

## **Theologia Polemica**

# Burghaber, Adam Fribvrgi Helvetiorvm, 1678

De Causa scribendi, Objecto Controversiarum nempe de Fide, & Partitione hujus libri Polemici.

urn:nbn:de:hbz:466:1-72462



## INGRESSUS

DE CAUSA SCRIBENDI. DE OBJECTO, ET DE Partitione bujus Operis Polemici,

CTUM agere forsan alicui videor, dum tot rantisque libris, qui de rebus Fidei inter Catholicos atque hem addere molior; qui senim ex omnibus sidei articulis vel unus est, qui à pluribus ac doctissimis viris contra quos vis hæreticorum infultus non est clarissime in lucem datus, fortissi-

fultus non est clarissime in lucem datus, fortissime propugnatus, & authoritatis acrationis momentis sirmissime roboratus? Non negaverim, ita videri posse.

#### Causa scribende hoc opus:

II. Nihilominus post omnes libros de rebusFidei controversis hactenus impressos unus maxime in Germania desideratur, qui solus id præster, in quo cuncti alij desiderin non explent. Nam plerique omnes libri, qui hactenus in lucem pro-dierunt, vel particulares tantum funt de una sola aut paucis materijs tractantes : vel si de omnibus rebus controversis agunt, nimis prolixi sunt, ac mole sua & emptu & lectu difficiles. Methodus in plerisque etiam talis cernitur, ut Lector doctinam catholicam, quæ imprimis attendi debet, non clare perspiciat, sed inter ipsas hæreses inspersam eruere debeat, priùs falsa hæreticorum doctrina, quam ipsa Catholicorum veritate imbutus. Sunt quoque, qui sola Sacræ Scripturæ esfata proferant, aut mera Conciliorum ac Patrum testimonia allegent, & tam ex istis, quam illis cumulum struant, ac chartas impleant, relictis cæteris, quæ ad doctrinas Catholicorum declarandas, & errores Sectariorum refellendos plurimum faciunt. Demum plerique omnes veteribus fere hæreticorum erroribus le impendunt refutandis : nec ad recentia Sectariorum effugia, & ad excogitata de novo errorum suorum fulcimenta se extendunt, cum hisce priores tempore extiterint, quæ tamen net pauca sunt, nec talia, ut absque illis eversis Catholica veritas maniseste appareat hæreseos triumphatrix.

III. Propter hæc aliáque P. Laurentius Forer (virè Societate nostra primis in Germanica hæresum Domitoribus haud immeritò annumerandus) inter innumeros controversiarum libros unum optari posse sapienter advertit, qui scilicet materias omnes hoc tempore controversas cum suisquasque sundamentis gratà brevitate ac claritate complecteretur. Atque ad hunc talem conscribendumipse jam seaccinxerat, sed mors calamum ei cum vita, eripuit, & ad cælestia æternáque præmia pro maximis suis laboribus & meritis prope Octogenarium eyocavit. Ne autem pro-

positum tam laudabile atque Ecclesiæ Catholicæ tam utile in tumulum cum illo inferretur, id mihi sumpsi executioni mandandum, postquam e-jusdem P. Laurentij nutu à Superioribus è Scholastica Theologia ad Polemicam sui translatus, & ad docendas Controversias ¡Fidei tum Monachij in Germania, tum in Italia Romæ applicatus, ubi in præsenti libro elaborando hunc mihi scopum præsixi.

#### Methodus.

1V. IMprimis statui omnes omnino materias TheologiæPolemicæ uno libro complecti, qui tamen mole sua mediocrem Tomum non excederet; etenim via magis compendiaria articulis sidei omnes, qui hodie in controversiam trahuntur, obscure quidem indicari, non autem dilucide explanari possunt.

V. Tum Methodum selegi, ut opinor, commodissimam; nempe singulas controversias in duas partes dividendo; in quarum priore doctrinæ Catholicorum: in posteriore hæreticorum errores proponantur, & hi ex illis refutentur. Sie siet, ut Lector utriusque Partis sundamenta probè percipiat, & prius veritates Catholicorum rite apprehendat, quam hæreticorum erroribus phantasiam impleat, quam tenacitate sua frequenter multum negotij facessit. Nomine autem doctrina Cantholica non eam sempervolo intelligi, cujus oppositum error habetur in Fide: sed frequenter illam duntaxar, quæ à Catholicis doctoribus communior & verior censetur, & asserium.

VI. Deinde maximam moderationem habui tam in probandis, quam refutandis rebus, ut non nifi felecta, certa, atque indubitata testimonia Sac. Scripturæ, Conciliorum, ac Patrum adducerem, & graviora solum rationum momenta adjungerem, ut ita intra gratam brevitatem ac soliditatem me continerem; si tamen Lector abundantiorem subinde doctrinam cuperet, ne illius desiderio deessem, plenimque ad finem Authorem nominavi, qui copiosius de eadem materia tractans vide-

VII. Postea pro Doctrinis Catholicis eos præsertim Authores post Sac. Script. Concil. & Patres allegavi, qui facilius & maxime in Germania haberi possunt v. g. D. Thomam Aquinatem, Franciscum Suarezium, Gabrielem Vasquezium, Gragorium Valentiam, Adamum Tannerum, Martinum Esparzam, Cornelium à Lapide, Jacobum Tirinum, Cardinalem Robertum Bellarminum, Martinum Becanum, Ill. mos & Rev. mos Adrianum & Petrum de Wallenburch, Jacobum Kellerum, Laurentium Forerum, Card. Boronium in Hist.

UNIVERSITÄTS BIBLIOTHEK PADERBORN Eccles. 'Effi præter istos plurium aliorum do-Aislimis libris usus fuerim. Errores autem hæreticorum eorumque explicationes ac probationes fumpfi præcipue ex Ioanne Gerhardi Doct. Ienenfi de doctrina Evangelica Confessionis Augustanæ. Guilielmo Amelio Calviniano Theologiæ apud Frisios Professore contra Card. Bellarminum, quem scutriliter medio digito in titulo libri intendens vocat Enervatum. Menone Hanneken Superintendente Lubecenss, cujus Irenicii Catholico-Evangelicum in vernacula lingua ante paticos annos per alium librum Monachij impressum refutavi. Petro Molinæo Professore Sedanensi, & Jacobo Hailbrunner; quorum ille Calvinista Librum de Papatu novo: iste verò Lutheranus de eodem Papatu non « catholico scripsit. Atque ex alijs, qui recentissime vel universim de omnibus articulis hodie controversis: Vel particulatim de certis solum materijs tractarunt, quorum posteriorum particulares tractatus permultos in præsen-

ti adhibui. VIII. Denique ex omnibus, quæ apud Advre-farios legi ac reperi, nihil prorsus relatu dignum dissimulavi, sed omnia argumenta, quibus suos falciunt errrores, fideliter proposui, aperte respondi, ac valide rejeci, ita ut quilibet æquus rerum arbiter, & suæ cupidus æternæ falutis luculenter tam Catholicarum dostrinarum veritatem, quam errorum hæreticorum falfitatem perspicere possit. Solum à mendacijs, criminationibus, calumnijs,& quibuscunque injurijs (quibus Sectariorum libri scatent, uti expresse & velut digito nonnunquam oftendo) me abstinui, ut vel ex solo modesto, Christiano, ac Religioso scribendi modo Veriras Catholica elucescat, quæ ad sui agnitionem & acceptationem mendacibus verborum phaleris vestiri non indiget, solo sue puritatis candore longe pulcherrima & amabilissima. Hee de tatione scribendi hujus Theologiæ Polemicæ; ex quibus satis liquere arbitror, me illam moliendo actum non agere.

Objectum Operis hujus Polemici.

Bjeeth hujus libri seu Theologiæ Polemicæ est Sancta Romano-Catholica Fides contra hæreticos afferenda, defendenda, stabilienda. Nam huicscientia, inquitS. Augustinus lib. 14. de Trinitate c. 1. tribuitur id , quo Fides saluberrima gignitur, nutritur, defenditur roboratur. Unde facile, Necessitas, & Præstantia ejusdem Theologiæ Po-Iemicæ apparet. Quid enim ista utilius ad venenu hæresum & lethiferos Sectariorum errores evitandos, sanámque doctrina retinendam ? Qui deadem magis necessarium ad sacram Christi Fidem, unicam Salutis æternæ viam, concipiendam, foven-dam, conservandam, propagandam, &c? Tolle Theologiam Polemicam, mox malæ bestiæ, hærefes, inquam, Fidem discerpent. Quid demum prastantius, quam pro DEI optimi maximi majestate & gloria, proSanctorum cultu & honore, pro Animarum Humanarum falute & æterná felicitate, pro Sacrorum omnium fublimitate & æstimatione stare, pugnare triumphare? quod felicissime & invictissime præstat Theologia Polemica.

Cum igitur hæc ita se habeant, aliquid priùs de ipsa sacra Fide præmitti oportet, ne hujus Nomen, Essentiam, Objectum, ac Proprietates silentio prætereamus, cujus solius causa cætera omnia adeo laboriose suerunt pertractata. Itaque

Nomen & Effentia Fidei,

Omen Fidei, etsi varias habeat significatio-nes, præcipua tamé videtur esse, qua sumitur pro credulitate five assensu fundato in testimonio dicentis; quia acceptio ista valde usitata est non tantum apud Latinos, quibus fidem habere, adhibere, & tribuere dicenti idem est, quod cre-dere, sed etiam in scriptura & Patribus; quidquid ex hæretičis nonnulli contradicant cumMelanchthone in locis Communibus. Cicero lib. 2. de divin. insanorum Visis, ait, fides non est adhibenda. S. Auguftin, lib, de Spitit. lit. c. 31. Aliter, iriquit, dicimus, non mihi habuit fidem, aliter, non mihi servavit sidem; Nam illud est, non credidit, quod dixi: istud, non fecit, quod dixit. Atque in hac principali fignificatione Fides à D. Paulo ad Heb. 11. v. 1. dicitur : Substantiarerum sperandarum : argumentum non apparentium. Quod dictum Paulinum, ersi non sit definitio exacta, est tamen commoda, cum in posteriore saltem sui parte omnia essentialia involuat, & hunc contineat sensum : Fides est affensus certus & infallibilis, quo affentimur rebus non apparentibus; fupple propter authoritatem DEI obscure revelantis, ut recte Suarez Tom. de Fide, & communiter alij Theologi. Hæt Fidei Essentia & Natura ex objecto ejusdem clarescit. Itaque.

Objectum Fidei.

XI. O Bjectum Fidei divinæ Materiale ex come muni Authorum est id omne, quod pro-pter Veracutatem & Revelationem Dei creditur, adebque Ens tam Naturale quam Supernaturale, tam negativum, quam politivum, tam obscurum, quam-aliunde clare cognitum; hæc quippe omnia fide divina ob dictam Veracitatem & Revelationem DEI obscuram creduntur, de quorum proinde veritate, ut substant tali Testimonio dubitari neutiqua potest, cum Deus nulla Potentia vel per se, vel per alium fallere aut mentiri queat. Nam non est DEUS quasi homo, ut mentiatur, nec ut filius hoa minis,ut mutetur. Num. 23. v. 19. Est autem DEUS. verax, omnis autem homo mendax Rom. 3. v. 4. In quibus locis non præcisé agitur de actuali commissione mendacij, sed de potestate quoque mentiendi; quia Deus totus diversus est ab homine, & quidem per ea, quæ cuique illorum peculiaria ac propria funt. Atqui Soli Deo proprium est ac peculiare, non posse mentiri; etenim adu & repså non mentiri commune fuit alijs. Quo sensu hune locum explicat S. Ambrosius Lib. 6. epist. 374 In prædictis etiam locis non tantum agitur de veracitate Dei per feipsum, sed etiam per alium, ut ex communi aliorum docet Suarez Tom. cit. de Fide D. 3. Sect. 5: num. 12. quia agunt de locutione, qu'à Deus locutus est per os Sanctorum. per Prophetas scil. Apostolos, & Angelos tanquam suos Mini-Aros & Vicarios.

XII. Objectum Formale Fidei divinæ adæquarum est Deus summe Verax ac Revelans. Ita S. Thomas 22. Q: 1. art. 1. & Q. 5. art. 3. Albertus, Bonaventura, Valentia, Starez, Tanner, Gammacheus, Mendoza, Arriaga, Oviedo, Espazza de Fide Q: 16. & 17. & cæteri Theologi communiter. Habet doctrina hæc duas partes. Prima harrum (Deum seil. esse veracem, & sic objectum formale side) ut ritè intelligatur, advèrtendum, pet Deum summé veracem, seu quod idem est, per primam Veritatem tanquam Motivum Fidei in

kelligi duplicem perfectionem DE1; unam ex parte intellectus, per quam DEus habet, non posse falli in cognitione objecti: alteram ex parte voluntatis, per quam DEus habet, non velle, nec posse mentiti; totum enim hoc in DE0 summè verari includitur, & quovis desiciente nutaret sides nostra, ut bene notant Suarez D.3. S. 4. n. 7. & alij Theologi.

Probatur jam eadem pars 1. ex Sac. Script. 1. Ioan. 5. v. 10. Qui non credit Filio , mendacem facit eum, quia non credit in testimonium, quod testisicatus est DEUS de filio suo. Ergo credimus propter veracitatem DEI; huic enim opponitur mendacij capacitas; quam Deo non credendo impingimus. Prob. 2. ex Patribus, quorum plura testimonia congerunt Valentia de Fide. Q. 1. pun. 1. &. 4. atque alij citari. Sufficiat nobis D. Dionysius, qui cap. 7. de div. Nom. ait: Fides est circa simplicem & semper existentem veritatem. Parb, 3. ratione. Quia ille, qui Deo aliquid revelanti non crederet, in juriam ei faceret, idque non alia ratione, quam, quod sic ostenderet, se in eo non agnoscere sumam vetacitatem, ob quam moveri debeat, ut ipsi testificanti sirmiter credat. Ergo ratio movens adcredendum erit Veritas Dei testificantis.

XIII. Secunda pars ejusdem doctrinæ (nempe DEUM revelantem elle & pertinere ad objectum iridem Prob.i. ex Sacra Script, quæ aliquoties fig-nificat, mysteria sidei esse credenda propter hanc causam, quia DEUS ea revelavit, enarravit, testatus ests. ut Matth. r6. v. 17. Ioan. 1. v. 18. t. Ioan. 5. v. 6. 1. Theffal. 2. v. 13. &c. Prob. 2. Authoritate Patrum; quorum testimonia habentur passim apud Doctores, & omnia expresse assensum Fidei in Revelationem & testimonium Der reducunt. Prob. 3. ratione. Quia Authoritas Dei nude spectata non potest esse ratio assentiendi per sidem, nisi interveniar testimonium aliquod, mediante quo illa Authoritas suo modo informat objectum materiale Fidei. ErgoRevelatio pertinet ad Objectum Formale, & quidem secundum omnem suam rationem, hoc est, tam Interna seu Activa, quam Externa seu Passiva. Prior est conceptus seu cognicio mentis divinæ de re aliqua ad credendum nobis exhibenda. Posterior sunt media qualiacunque, quibus Deus suum illum conceptum nobis significat; etenim Sac. Scriptura ait, nos credere propter testimonium, enarrationem, verbum seu Revelationem DEI &c. quibus vocibus clarum videtur, quod uramque revelaționem complectatur; passivam, quia loquitur de Revelatione, quâ mysteria Fidei innotuerunt : activam, quia loquitur de revelatione, prout hæc est vere locutio Dei; illa autem passiva revelatio non potest esse vere locutio, nisi prout huic activæ, quam exprimit, substat.

#### Notitia pravia ad assensum fidei: Et Pia Affectio.

XIV. A Ntequam aliquis fide divina credat aliquod objectum, cognoscere debet, illud esse tale, ut prudenter possit, & debeat credi
omnino sirmissime, & certissime, & super omnia.
Nam ut docet S. Thomas 22. Q. 1. art. 4. ad 2. Non
trederet quis, nist videret, ea esse credenda vel propter eviaeniam signorum, vel propter aliquid hujusmodi. Ubi
S. Doctor ad Fidei assensum prærequirit videre
(hoc est, evidenter cognoscere) credibilitatem myteriorum, ut eum interpretantur Cajetanus & alij

Theologi communiter, & conformiter S. Scripturæ Ioan. 15. v. 22. Ubi Christus de ijs, qui non credebant, ait: nunc autem excusationem non habent, scil. postquam sides in verum Messian ex motivis exhibitis evidenter illis apparuit credibilis, & tamen non crediderunt. Unde colligitur, non credentibus locum esse excusationi, quamdiu evidentia illa non habetur: & consequenter prærequiri ad assensim Fidei eliciendum evidentiam credibilitatis, ita ut intellectus judicet, oppositum hic & nunc prudenter, & secundum certam rationem esse profus incredibile; qui enim citò credit, le-

visest corde. Ecclesiastici 19. vers. 4. X V. Mysteria Fidei nostræ Catholicæ esse evidenter credibilia, communis habet & indubitata Doctorum Sententia, idque conformiter Sac. Scripturæ Pfal. 92. v. 5. Testimonia tua credibilia facta sunt nimis. Unde Matth. 5. v. 15. comparatur Ecclesia Civitati supra montem posita, quæ abscondi non potest. Accedit ratio. Quia si Mysteria sidei nofiræ habent argumenta, quibus ostendi possunt, esse digna creditu, & credi debere, à quovis prudente; sunt evidenter credibilia. Atqui habent hujusmodi desumpta à Persona Christi Authoris sui : ab integritate & rectitudine Doctrina! aSan-Stificatione Sectatorum Fidei nostræ Catholicæ: ex Miraculis tot & tantis omnibus retro fæculis in confirmationem Fidei nostræ perpetratis : à modo, quo fuit Fides nostra propagata: ex constantia Martyrum prope innumerorum: ab excellentia & conditione corum, qui nostræ Religionis fuerunt! ex vaticinijs & prophetijs: denique ex va-rijs capitibus contra Lutheranam, Calvinianam, & alias hujus temporis sectas. Ergo &c.

XVI. Præter motiva autem extrinseca, de quibus diximus, & suse ab alijs explicatur, ad suadenda ac capessendam prudentersidem ab Instructore propositam necessarium insuper est Lumen sidei, intelligendo per hoc specialem aliquam mentis illuminationem à Deo immissam, qua illa vel compleantur, vel cognoscantur habere hic & denter credibilia. Ita communis doctrina Theologorum titdem conformiter Sacrae Scriptura, Concilijs ac Patribus, è quibus pulcherrime S. Augustinus lib. 15. de Civitate cap. 6. Essi Deus ipse, inquit, Utens creatura tibi subdita in aliqua specie humana sensus aloquatur humanos: nec interiore gratia mentem regat, atque agat, nibil prodes homini omnis pradica-

X VII. Ad prdictam evidentiam credibilitatis duplex sequitur ejusdem Iudicium. Remotum unum ac mere speculativum dictans, objectum propositum apparere evidenter credibile : Proximum alterum ac penitus practicum dictans, objechum hie & nunc effe credendum, arque obligatiohem ad hoc adesse. Ita communiter Doctores; quia utriufque actus est diversum objectum; Prius enim judicium versatur circa credibilitatem objecti, & videtur absolute naturale; quia non apparet, cur judicium, quo aliquid dignum creditu censetur, debeat esse supernaturale: Posterius veto versatur circa ipsum actum fidei, ejusque honestatem ut ponendam; Unde secundum substantiam suam est supernatule, ut ex Concilijs & Patribus fuse oftendunt Scholastici. Ratio breviter fumitur ex eo, quod universim ad omnem volitionem supernaturalem prærequiratur cognitio proportionata, & ejusdem ordinis. Cur ergo

non etiam ad volitionem credendi supernatu-

XVIII. Nondum ponitur Actus fidei etiam posito credibilitatis judicio (quod notitia prævia dicitur, & ab hæreticis etiam admitritur) priufquam interveniat pia voluntatis motio, quæ procedit à speciali quodam habitu in voluntate seu virtute infusa, quam Piam Affectionem vocare communiter Theologi solent. Itaque intellectus pendet à voluntate per actualem & positivum affedum imperante assensum fidei, à quo affectu Fides denominatur voluntaria & libera. Ita cum D. Thoma 22. Q.1. cit. art. 4. Et Q.2. art. 12. & alibi omnes Theologi. Prob. 1. ex Script, in qua passim supponitur, Fidem esse liberam, quod absque voluntatis interveniente motu effe non potest. Rom. 10. v. 10. Corde creditur ad justitiam; Ubi nomine cordis intelligi voluntatem, notat D. Thomas ibi. Prob. 2. ex Concilijs, ex quibus Arauficanum II. can. 5. dicit : Initium fidei effe ipfum voluntatis affectum, eumque inesse nobis per inspirationem Spiritus Sancti corrigentem voluntatem nostram ab infidelitate ad Fidem. Ubi Fides & infidelitas radicaliter ponuntur in voluntate. Prob. 3. ex Patribus, quos fusé adducunt Suarez, Valentia, Tanner & Scholastici passim. Sufficiat nobis S. Ambrosius, qui in illa verba S. Pauliad Rom. 4. v. 4. Ei autem , qui operatur, &c. Sic feribit: Aut credere aut non credere, voluntatis eft; neque enim cogi potest ad id , quod manifestum non eft. Prob. 4. Ratione desumpta ex natura ipsius intel-lectus. Nam actus Fidei est assensus obscurus & certus excludens omnem formidinem. Intellectus autem de se vi motivorum non determinatur sufficienter ad excludendam omnem formidinem. Ergo indiget ad hoc determinatione voluntatis, à qua licet veritas objecti non ponatur, nec augeatur, non tamen idcirco intellectus tantum remoté movetur ab illa, hoc est, tantum applicatur ad consideranda motiva ad credendum inducentia; siquidem actus sidei proxime, postquam jam applicata sunt motiva, per actum voluntatis positivum imperatur.

### Proprietates Fidei.

XIX. EX his, quæ hactenus de Objecto For-mali, & Natura Fidei diximus, jam apparent quædam præcipuæ quasi Proprietates Fidei; nempe Libertas, Supernaturalitas, Certitudo, Necessitas &c. Libertas ex recens dictis constat, & omissis pluribus & manifestis testimonijs Sac. Scripturæ ac Patrum, quæ videri postunt apud Suarez de Fide. Disputat. & Sect. 6. quisque experientià clarà conijcit, eà se libertate induce-re actum Fidei, authujus suspensionem, ut lubet, quà inducit applicationem intellectus ad considerandum vel hæc, vel illa objecta; qua experientia nixus D. Augustinus cap. 2. de Prædest. Sanctor. catera, inquit , potest homo nolens; credere autem non nisi volens. Quare quando assensus elicitur, aut vi voluntatis necessariæ, aut etiam liberæ, non tamen cum plena deliberatione, non est verè & proprie Actus Supernaturalis Fidei, de qua Sacra Scriptura & Patres loquuntur.

XX. Supernaturalitas Fidei quoad Substantiam probari solet ex pluribus Scripturæ locis, abi Fides vocatur donum Dei, & quod sine dono non simus sufficientes ad credendum, ut oportet, qui textus syncerè ponderati suadent supernatu-

ralitatem quoad substantiam; etenim dicitur Fides esse donum, quo nos Pater cœlestis ad se trahit: & fine quo nemo venit ad Deum, nec illi placere potest. Ioan. 6. v. 66. Nemo potest venire ad me, nist eisuerit datum à Patre meo. Et ibi. v. 44. Nemo potest venire ad me, nifi Pater, qui misit me, traxerit eum. Hebræ. 11. v. 6. Sine fide impossibile eft , placere Deo. Unde colligitur, hoc donum dari tanquam medium maximè & primariò necessarium atque ordinans ad vitæ æternæ consecutionem, in quo Scholastici ponunt Supernaturalitatem quoad substantiam. Adhæcad statum supernaturalem & Filij Adoptivi non folum pertinet, posse supernaturaliter operari per voluntatem, sed etiam per intellectum eliciendo operationes proprias FilijDei, & quæ sint fructus participationis Naturæ divinæ, adeoque radicentur in Gratia fanctificante. Ergo supernaturales sunt quoad substantiam non minus, quam Visio Beata, quæ succedit Fidei.

XXI. Certitudo Fidei communiter duplex affignatur. Una propria, intrinseca, & effentialis, quæ in eo confistit, actalis est naturæ, ut ei repugnet omnino falsitas etiam meraphysice loquendo. Altera formalis & adhæsiva, quæ consistit non tam in connexione iphus actus cum objecto, quam in firma adhæsione intellectus erga illud obje-&um. Assensus Fidei certitudine propriat& intrinseca superat omnes alios actus naturales & evidentes, ut communiter tenent Scholastici. Prob. 1, ex Scriptura, quæ semper cum emphasi loquitur de certitudine fidei 2. Pet. 1. v. 19. Habemus firmiorem propheticum sermonem. 2. ex PP. quos copiose allegar Suarez D. 6. sect. 5. Sufficiat hic S. Augustinus, quilib. 7. Confess. c. 10. Facilius, inquit, dubitarem, me vivere, quam effe veritatem, quam audivi in corde. 3. Ratione, ; quia actus fidei propter suam perfectionem, quam habet, ex natura sua petit, ne ullo modo producatur, nisi objectum ita existat, ut exprimit. Er de hac certitudine intelligendi funt Authores, quando Fidem vel comparant Visioni Beatificæ, vel supra omnem certitudinem naturalem extollunt. Nam Certitudo adhæsiva non requiritur in credente major, quam in alijs sit adhæsio alia, quæ non est ex side. Sæpe enim hæretici & alij Philosophi adhærent suis erroribus aut veritatibus evidenter cognitis tam firmiter, quam adhæreant Fideles rebus fidei; & in ipso Fideli contingere potest, ut invincibiliter feductus circa mysterium fidei tam certò adhæreat errori, quam veritati; quamvis secundum rectam rationem, & debitam æstimationem Fides Catholica etiam certitudine adhæsiva seu subjecti firmior esse deberet, quam fides humana ; quippe æquum est, ut ille firmiùs credat, qui certius habet credendi motivum.

XXII. Necessitas Fidei universim permagna est. Nam omnes ratione Utentes, cujuscunque sint Gentis, Sectæ, Conditionis, Loci, Temporis sidem necessariò habere debent ad Gratiam & Gloriam adipiscendam. Sic enim divina oracula se habent Heb. 11. v. 6. Sine side autem impossibile est, placere Deo. Credere enim oportet, accedentem ad DEUM, quia est, & inquirentibus se remunerator sit. Marci 16. v. 16. qui verò non crediderit, condemnabitur. Sac. Scripturæ consentiunt Patres, è quibus D. Gregorius 2. Moral. c. 33. Niss Fides, inquit, prima in corde nostro gignitur, reliqua quaque esse bona (bonitate ad lustificationem & meritum vitæ æternæ requisita)

an possim, etiamsibona videantur. Porro necessarium ad salutem duobus modis aliquid dici potest, scilicet necessitate Medij & Præcepti.

XXIII. Priori modo sive Necessitate Medijdicitur necessarium id, sine quo aliquis reipsa non potest justificari & salvari secundum ordinariam Det legem ; tametsi quis invincibiliter, adeoque inculpabiliter ignoret, illud esse necessarium. Sie semper in omni statu Naturæ lapsæ necessarium suit explicite credere, Deum esse, ac Remuneratorem esse, seu habere providentiam tum in hac, tum in altera vita. Nam cum Apostolus ad Heb. II. cit. dixisset, sine fide impossibile esfe, placere DEO, id est, necessario credendum aliquid esse ad Justitiam, Deique Amicitiam, & consequenter ad salutem obtinendam, determinare volens, quid necessariò sic esser credendum, statim subjunxit eod. vers. 6. credere enim oportet accedentem ad DEUM, quia Est, & inquirentibus se Remunerator sit. Ratio hujus est; quia illud necessario necessitate Medij est credendum, sine quo etiam invincibiliter ignorato nemo adultus justitiam & salutem consequi potest. Sed talis est explicata Fides duorum illorum articulorum. Ergo,&c. Major constat. Min. Probatur. Quia fine tali cognitione & Ede non habemus notitiam ultimi finis nostri; Consequenter non possumus ullum actum supernaturalem circa illum elicere, multô minùs aaum charitatis, fine quo tamen nullus adultus saltem extra Sacramenta potest primam gratiam aut salutem consequi.

XXIV. Posteriori modo sive Necessitate Præcepti necessarium esse dicitur id, quod ex vi præcepti ad salutis consecutionem vel faciendum vel exequendum est, tunc Scil. quando adest facultas & occasio. Sic omnes Christiani tenentur credere explicitè omnes articulos, qui in vulgato Apostolorum symbolo continentur saltem quoad substantiam, ut constat ex varijs Concilijs & catechesi Pij V. ubi dicitur in principio, omnes scire & credere oportere ea, quæ Apostoli certis articulis comprehenderunt. Nam isti in diversas orbis partes discessuri composuerunt hoc symbolum, ut id juxta Christi præceptum docerent omnem creaturam, hoc est, omnes homines rationis capaces, antequam baptizarentur ; sicuti piè semper & indubitate post Sanctos Patres Clementem L. 7. Constit. Apostol, cap. 4. Irenæum lib.t. contra hæres. c. 2. & lib. 3. c. 4. Epiphanium hæref. 68. Leonem ferm. 11. de Passione. Et Epist. 8. 13. & 25. Chrysoft. hom. 12. de Symbolo. Ambros. L. 1. de Spiritu Sancto. Epiltol. 81. & ferm. 38. Maximum hom. de tradit. Symboli, & alios tenuerunt S. Thomas 22. Q. 1. art. 9. & omnes Scholasticiac Catholici. Ergo omnes homines tenentur discere; alioquin frustra Apostoli obligarentur, id ita ample & universim docere.

XXV. Præter explicitam fidem Symboli Apoftolici omnes quoque in Lege Evangelica tenentur scire ea, quæ & communiter Christianis omnibus, & cuique juxta statum suum necessaria sunt
ad reste vivendum, ut docent omnes Catholici,
habeturque ex perperuo Usu Ecclesse, quæ hanc
notitiam à singulis ante atque etiam post baptismum exigit, & plane status ac professio Christiana
requirit. Imprimis igitur omnes adulti sic scire
debent substantiam & rationem Sacramentorum
Baptismi, Eucharistiæ, & Pænitentiæ, & quæ ad
eadem Sacramenta dignè recipienda sunt necessa-

ria: in cæteris verò Sacramentis idem opus erit, si quando quis suscipere eadem voluerit. Deinde scire etiam omnes tenentur modum legitime orandi DEUM, ac in specie etiam juxta receptum Ecclesiæ morem orationem Dominicam. Item præcepta Decalogi, & communia Ecclesiæ præcepta. Demum etsi non obligentur Christiani, ut omnia explicite credant, que DEUS revelavit, sed sufficiat, si implicite; attamen Fideles singulos paratos ese oportet ad credendum quidvis, quod Ecclesia sufficienter proponit cuedendum tanquam verum, ac de Fide, ita ut actum contrarium elicere minime valeant, atque audeant; quippe prohibitum est, judicare, Ecclesiam in rebus fidei errate posse, cum ea teste Paulo 1. ad Timoth. 3. V. 15. cit. fit. Columna ac Firmamentum Veritatis.

#### Oppugnatio Fidei ex Objecto hujus Formali.

Ontra Naturam Fidei sic breviter explicatam, & potissimam atque essentialem ejus rationem, nimirum contra objectum Formale opponit se Joannes Musæus in Academia Jenensi Theologiæ Professor in altera sua de Ecclesia Tractatione non pridem edita assignans pro Objecto Fidei Formali ac Motivo Supernaturalem concursum & elevationem Objectivam. Voluntas, inquit num. 64. supernaturali concursa DEIelevata intellectum in affensum sui : & credendorum Revelatio divina movet : adeog, supernaturalis ille concursus DEI ad ipsam rationem objectivam Fidei pertinat; voluntas enim cum ad res in Scripturis revelatas natura sua mortua fit, non potest earum apprehensione ad ullum actum efficacem moveri citra illarum elevationem. Probat. Tum ex Sac. Scriptura. 1. Theff. 2. 7.13. dicit Apostolus: Gratias agimus Deo fine intermissione, quoniam cum accepissetis à nobis Verbum auditus Dei, accepissis illud non ut verbum hominum, sed (sicuti est vere) verbum Dei, qui operatur in vobis, qui credidiftis. Item Matth. c. 7. v. 28. ubi dicitur , Turbam fuiffe doarina Christi percussam. In his, ait Musæus, indicat Sac. Scriptura, à concursu supernaturali provenire vim ac virtutem Verbo Dei, & voluntatem inde perculsam & elevatam movere intellectum in assensum Fidei. Ergo Objectum Formale & Motivum Fidei est Concursus supernaturalis & elevatio objectiva. Tum ratione; quia Revelatio divina in Scripturis per se nihil continet præter verba & res significatas. Ergo relinquitur, quod supernaturali Dei coucursu elevata voluntas intellectum in assensum sui; & credendorum Revelatio divina moveat ; adeoq; supernaturalis ille concursus ad rationem formalem objectivam per-

X VII. Hoc argumentum mirè extollit Mufæus thrasonicè gloriando, quasi omnes hastenus
Pontificij Scholastici ad lucis conspectum suisfent meri vespertilliones: ipse verò veluti genuinus
Aquilæ pullus sixo solem obtunt aspexisse; unde
jastabundus asserit, commentum suum esse veritatem
demonstratam, eamque liquidissimam, & vel ipsa solis
luce clariorem. Ego re bene lestà & expensa argumentum illud nihil judico esse aliud, quam
hæreticam & recostam cramben, crassissimam
ignorantiam, & chimæricas ineptias. Nec quisquam hoc miretur; plura enim simila argumenta ex Adversariorum scriptis & libris per
Theologiam Polemicam occurrent; squidem

Prædicantes suis irretiti erroribus alia ex aliis deliramenta texunt, meris se verbis vane pascunt, & syncerè audire ac discere veritatem no-

XXVIII. Inprimis igitur argumentum Mufæi dixi effe meam hæreticam & recoctam cramben. Quia proffus idem est concursus supernaturalis, & elevatio objectiva Musæi: ac testimonium infallibile, sed occultum Spiritus divini, Calixti: vel publica Spiritus Sancti auctoritas in Verbo Dei Christianis omnibus communis, Riveti : vel Verbiem syncerum secundum sensum Spiritus Sancti: vel mugogogia certioratio interna de verbo Dei & bujus sensu: vel denique critirion, seu instinctus internus Spiritus Sancti, quibus alii Calvinistæ & Lutherani agnoscere se jactant, quodnam sit Verbum Dei, & quis legicimus hujus sensus. Ostendamus rem in exemplo. Hæc verba Chrifli Matth. 26. V. 27. Hoc est Corpus meum, Molinæus, Amesius, Rivetus & alii Calvinistæ dieunt, esse verba DEI, sed significare solum Christum ejusque Passionem, corpus autem Ejusdem non ponere præsens. Cur hoc? quia, ajunt, Spiritus Sancti authoritas omnibus Christianis communis ita nobis intus dictar, nos certiorat &c. Gerhardus, Meno Hanneken, Hailbrunner, Calixtus & alii Lutherani ajunt itidem, esse verba Dei, & significare, ipsum Christi Corpus intime præsens esse in sumptione, sierique consubstantiationem. Cur hoc? quia, inquient, Spiritus S. intus testatur, docet, notificat &cc. Adstipulatur Lutheranis suis Museus. Curita? propter concursum supernaturalem & elevationem objectivam. Quid autem est hoc ab aliis diversum ? nihil; Utique enim alii Sectarii in suo testimonio, authoritate, certioratione, critirio, instinctu Spiritus Sancti actionem supernaturalem atque elevationem intervenire agnofcunts Præterea motio voluntatis per concurlum supernaturalem &c. vel est imperium voluntatis ex motivis credibilitatis furgens: vel etiam fola illustratio absque illis motivis credibilitatis: vel est perculsio voluntatis intellectum moventis in assensum. Nihil horum dici potust. Non primum & fecundum, quod utrumque tenent Catholici; illud in hominibus : istud in Angelis. Si igitur tertium , recidit in privatum instinctum Spiritus Sancti, nihilque eft aliud, ut dixi, quam hærecica & recocta crambe.

XXIX. Deinde dixi, argumentum Musei esse crassissimam inscitiam. Nam in omnibus Scholis Theologicis & Philosophicis notissimum est, & veluti primum principium, elevationem supernaturalem fieri non objective, sed effective, eamque nihil esse aliud, quam confortationem Potentiæ naturalis ad effectum altioris ordinis producendum, atque naturæ improportionatum. v.g. Intellectus noster, quia vi & virtute sua vissonem Dei producere in calo nequit; idcirco eleva tur & proportionatur tali effectui per qualitatem fupernaturalem, quam Theologi Lumen Gloriæ appellant. Sic etiam, quando voluntas Peccatoris elevatur ad contritionem aut amorem supernaturalem, quo ad justificationem disponitur, fit ca elevatio per concursum DE I extrinsecum & supernaturalem, quo voluntas, quæ naturalis est potentia, confortatur, atque effectui altioris ordinis proportionatur. Ecce in cœlo & in terra elevatio he efficienter; oftendat Mulæus, ubi hat objective,

aut quis ex Patribus, Theologis, aut Philosophis hoc unquam docuerit?

XXX. Demum dixi; argumentum Mufæi effe chimæricas ineptias. Nam quid ineptius, quam obscurum illustrari per obscurum? libertatem astrui per necessitatem ? in intelligendis scripturis, non intellectum, sed ipsas elevari scripturas? His & alijs ineptijs scatet opinio Musai. Primum oftenditur. Num. 68. scribit Musæus, Nullum Supernaturale posse viatori esse evidenter cognitum. Ergo concursus supernaturalis additus voluntati est æque obscurus, ac ipsa revelatio. Ergo obscurum illustratur per obscurum. Alterum oftenditur. Voluntas, quando v. g. eliciendus est primus actus fidei, non agit libere, fed juxta Mufæum agitur ut instrumentum merè passivum. Ergo libertas assensûs sidei astruitur per necessitatem voluntatis acta. Ultimum oftenditur. Inauditum est, ipsas Scripturas, quæ sunt revelationes divinæ: & non potius homines ipsos elevari ad illas admittendas. Aut Scripturæ in se intentionaliter exprimunt homines : & non vice versa homines in se intentionaliter exprimunt Scripturas, easque assensu suo amplectuntur ? Multa etiam creduntur extra Scripturas, v. g. quando Petrus Actor. 10. in mentis excessu per lintei descensionem & cætera ibi narrata fuit edocus; Gentes ad Evangelium esse admittendas; idem dicendum de innumeris alijs ejusmodi raptibus & visionibus objectorum à parte rei non existentin, sed miraculose apparentium, ac si existerent, quibus plena est Apocalypsis. Ostendat nobis hicMufaus, quomodo Petrus aut Ioannes per concurfum fuum fupernaturalem & elevationem objectivam tanquam per objectum formale elicuerint affensum Fidei, & non moveat omnibus risum ? Nos Catholici facile dicimus, visionem v. g. Petri reflexè cognitam & rite expensam prudenter factam effe credibilem, quod fit à Deo, & quidem in eum finem, ut tale objectum cognosceretur; inde voluntas imperare potuit intellectui, ut tali visi-oni seu illustrationi veluti rationi sormali passivæ affenfum præberet.

XXXI. Probationes Mulæi nihil prorsus faciunt ad rem, & nequicquam evineunt contra Catholicos. Primæ Probationis Sac. Scripturæ 1. Theffalon. 2. v. 23. Sensus ex comuni Patrum & Interpretum est ifte : Vos Thessalonicenses accepistis verbum auditus DEI, hocest, prædicationis meæ, non, ut est verbum Ecclesiæ, vel Hominum, aut Angelorum, fed ut verbum Dei , qui additis prædicationi meæ signis ac prodigijs operatur in vobis fidem, & perhcit in vobis gratias & beneficia sua, quæ per Evangelium seu Christum credidistis obveutura vobis. Quid, quæso, genuinus ifte juxta Patres & Interpretes Sac. Scripturæ fensus quid facit ad concursum supernaturalem & elevationem objectivam? non solum non patrocinatur, sed etiam illi adversatur. Siquidem objectum Fidei Formale statuitur Verbum DEI ut DEI, non hominum, aut Angelorum . & per hoc DEUS operatur in Thessalonicensibus confensum fidei, postquam illud externis signis fecit evidenter credibile. Unde sic argumentari possumus. Quemadmodum Thessalonicenses ad fidem inducuntur & moventur ad affenfum, ita nos Fideles inducimur & movemur. Sed Thessalonicenses inducuntur fignis externis, ut objectum forFNGRESSUS.

male seu Dei verbum à Paulo prædicatum credia bile judicat: & per istud ad assensum Fidei moventur. Ergo & Nos Fideles sic inducimur & cre-

dimus.

XXXI. Secundæ Probationis ibidem ex Sac. Scripturæ Matth. 7. v. 28. Sensus est, turbam audità prædicatione & Sapientia Christi fuisse super doctrina ejus admiratam; non autem dicit Evangelista, candem turbam efficacia prædicationis ejustem, esse motam ad credendum, illum esse Filium DEI, promissum Messiam &c. Quid iterum iste Sac. Scripturæ sensus facit ad concursum sus pernaturalem & elevationem objectivam ? Multi etiam sancti viri ferventi suà prædicatione valde perculerunt animos auditorum, an ideirco illorum sermones postea typo mandati suerunt Scri-pturæ divinæ ? Tertia probatio nihil minus evincit, quam Supernaturalem concursum & elevationem objectivam. Esto enim, quod dicitur in Antecedente, Revelatio divina in Scripturis perse nihil contineat præter verba, & res per illa fignificatas; nunquid extrinseca motiva accedere possunt, quibus ita revelatio illa evadat evidena ter credibilis, ut voluntas imperare possit intelleaui assensum fidei eidem revelationi dandum? Adhæc fatetur Musæus, ut diximus, supernaturalem concursum omni viatori esse obscurissimum, quomodo ergo in notitiam alterius ignoti trahere potest? Videatur Vitus Erberman in Trophæis Romanis S. Cathol. Ecclefiæ à fol. 82.

### Partitio Operis Polemici.

XXXII. Restat Partitio Operis Polemici, quæ ex distis haud difficulter conijei potest. Nam eum Theologia Polemica versetur circa Sacram Romano-Catholicam Fidem tanquam circa Castrum summi momenti, extra quod nulli pater ad cœlum via, ut hanc Fidem ab hæreticis maligne oppugnatam desendar, propugnet, & propaget, sundamenta solidissima atque inexa

pugnabilia habere debet, quæ funt Authoritas S, Spiritûs per S. Scripturam loquentis: Item Authoritas Christi partim per suum Vicarium summum Pontiscem, partim per totam Ecclesiam docentis. At verò cum sola Fides absque operibus neutiquam sufficiat, sicuti sundamenta in Castro sine vallis eductis frustranea sunt, opera quoque, quæ illam ceu valla circundent, adesse, declararia que debent tum ipsamet, tum eorum principia, tum peccata, quæ bohis operibus opponuntur. Demum ut Castro bene provisum sit, varia substitut ei necessaria sunt, quæ Fidei Catholicæ minime desunt; hæs enim substitus suros Sancta Saacramenta; quibur abundantissime, & magis quam ulli Castro, est sidei prospectum.

ulli Castro, est fidei prospectum.

XXXIII. Itaque que hodie de Fide & Religione controvertuntur; in præsenti opere Polemico in octo summos Titulos (qui tamen subdividi interdum possunt) redigemus, & agemus, I. de Sacra Seriptura. II. de Christo. III. de Ecclesia tam in communi, quam in specie de Militante, Patiente, & Triumphante. IV. de SummoPontifice ac Concilijs, quæ velut Corpus dependent ab illo tanquam Capite. V. de principijs bonorum operum, libertate scilicet & gratia. VI. de bonis operibus cam in communi, qua nonnullis in specie VII. de oppositis illoru malis operibus ac peccatis VIII. denique de subsidijs eorumdem bonoru operu feuSacramentis. Singulas auté sub his titulis controversias ea methodo tractabimus, quam ad initium hujus ingresses indicavimus. Christus IE-SUS, Beatisima DEI Mater & Virgo MARIA, oma nes Sancti Angeli ac Beati cœli Incole gratia ac fayore

Jao cepiis nostris adsint, & ad finem prafixum ac fructum optatum f.liciter perducant,

●6):(IHS.):(90



CON-